



Este sábado 4 de maio a partir das 17 horas, os alumnos do CEIP Chano Piñeiro (Gondomar), participarán dunha andaina polos xacementos arqueolóxicos localizados en terras da Comunidade de Montes de Couso. Coa guía dos especialistas do Instituto de Estudos Miñoranos, o arqueólogo Xosé Lois Vilar e mais o profesor Xilberte Manso, percorreren unha ruta que permite visitar as pegadas da prehistoria miñorana, entre mámoas, petróglifos e castros diseminados ao longo do monte.

A xeira comezará no miradoiro de San Antoniño, desde onde contemplarán fermosas vistas do Val Miñor e a Ría de Vigo. Posteriormente visitarán o conxunto "O Sobral" de arte rupestre, os restos do Castro do Facho e a estación de enterramentos tumulares das Mámoas do Outeiro da Pipa.

Neste entorno histórico – natural, os escolares tamén terán contacto con algunhas das iniciativas que en materia de produción e repoboación forestal está a practicar a organización comunal, como as plantacións de cogomelos e os soutos de castiñeiros .

Xeira arqueolóxica dos alumnos do CEIP Chano Piñeiro nos montes de Couso

Escrito por Redaccion @valminorinfo

Sábado, 04 Maio 2013 00:15

A andaina está organizada polos pais e nais agrupados na ANPA Pousa de Fontán en coordinación coa Comunidade de Montes de Couso e o Instituto de Estudos Miñoranos.